



БНМАУ

УЛААНБААТАР ХОТЫН АРДЫН ДЕПУТАТУУДЫН
ХУРЛЫН ГҮЙЦЭТГЭХ ЗАХИРГААНЫ
ТОГТООЛ

1990 оны 5 дугаар
сарын 20 өдөр

дугаар 91

Улаанбаатар
хот

Нийслэлийн авто тээврийн
удирдлага, зохион байгуулал-
тыг боловсронгуй болгох зарим
арга хэмжээний тухай

Нийслэлийн авто тээврийн удирдлагын шат дамжлагыг цөөрүүлэх аппаратыг цомхотгох, үйлчилгээг хөдөлмөрчдөд ойртуулах зорилгоор Улаанбаатар хотын АДХ-ын гүйцэтгэх захиргаанаас ТОГТООХ нь:

1. Улаанбаатар хотын Тээврийг удирдах газар, түүний Хяналт борлуулалтын контор, Автобусны комбинатын захиргааг 1990 оны 6 дугаар сарын I-нээр тасалбар болгон нэгтгэж хотын нутаг дэвсгэрт ачаа ба зорчигч тээврийн үйлчилгээ, шатах тослох материалын ашиглалт зарцуулалтад хяналт тавих, авто замын хураамжийг төвлөрүүлэн зам барилга, засварын ажлыг санхүүжүүлэх зэрэг тээврийн нэгдсэн бодлого явуулах үүрэг бүхий Улаанбаатар хотын Тээврийн удирдах газар болгон шинээр зохион байгуулсугай.

2. Тээврийг удирдах газрын нүрмийг хавсралтын ёсоор баталсугай.

3. Тээврийг удирдах газрын удирдлагын бүрэлдэхүүнийг дарга нэг, тээвэр эрхэлсэн орлогч дарга нэг, эдийн засаг, нийгмийн асуудал эрхэлсэн орлогч дарга нэгтэй байхаар тогтоосугай.

4. Тээврийг удирдах газрын аппаратын 1990-1995 онд тогтвортой мөрдөх сарын цалингийн санг 46,8 мянган төгрөгөөр баталсугай.

5. Автобусны комбинатыг татан буулгасантай холбогдуулан Автобусны I, II паркийг Автобусны I, 2 дугаар бааз, Техникийн үйлчилгээ засварын станцыг аж ахуйн тооцоотой байгууллага тус тус болгож, 1991 оны Нэгдүгээр сарын I-нээс хоорондоо аж ахуйн гэрээтэй ажиллахаар тогтоосугай.

6. Хурлын байгууллагын эрх, үүргийг өргөтгөж байгаатай холбогдуулан хөдлөх бүрэлдэхүүн, тоног төхөөрөмж, сэлбэг материалын болон хөрөнгө оруулалтын бодлого, санхүүжилтын эх үүсвэрийн системийн хэмжээний асуудлыг хотын Тээврийн удирдах газар хариуцан гүйцэтгэж байхаар тогтоосугай.

7. Автобусны комбинатын захиргааны конторын барилгыг шинээр зохион байгуулагдсан Улаанбаатар хотын Тээврийг удирдах газарт эзэмшүүлэхээр тогтоосугай.



УЛААНБААТАР ХОТЫН АДХ-ЫН
 ГҮЙЦЭТГЭХ ЗАХИРГААНЫ ДАРГА *[Signature]* Л.ЭНЭБИИ
 ХАРИУЦЛАГАТАЙ НАРИЙН БИЧГИЙН
 ДАРГА *[Signature]* Д.АЛТИА